



**JU UNIVERZITET U ZENICI**

**PRAVILNIK O NAGRADAMA  
ZA STUDENTE UNIVERZITETA U ZENICI**

**Zenica, septembar 2019. godine**

## SADRŽAJ

<b>POGLAVLJE I. UVODNE ODREDBE</b>	<b>3</b>
Predmet Pravilnika	3
Vrste nagrada	3
<b>POGLAVLJE II. NAGRADA REKTORA</b>	<b>3</b>
Nagrada rektora	3
Sadržaj Nagrade rektora	3
<b>ODJELJAK A. NAGRADA REKTORAZA STUDENTE S NAJBOLJIM USPJEHOM</b>	<b>4</b>
Studenti s najboljim uspjehom	3
Uvjeti za dobijanje Nagrade rektora	4
Objava Odluke o dodjeli Nagrade rektora za studente s najboljim uspjehom	4
<b>ODJELJAK B. NAGRADA REKTORA ZA NAJBOLJA NAUČNA, ISTRAŽIVAČKA, STRUČNA, UMJETNIČKA , I SPORTSKA OSTVARENJA</b>	<b>4</b>
Nagrada rektora za najbolje naučno, istraživačko, stručno, umjetničko i sportsko ostvarenje)	5
Pravo kandidiranja	4
i sportsko ostvarenje	
Objava Odluke o dodjeli Nagrade rektora za najbolje naučno i umjetničko ostvarenje	5
<b>POGLAVLJE III. NAGRADA DEKANA</b>	<b>5</b>
Nagrada dekana	5
Sadržaj Nagrade dekana	5
Studenti s najboljim uspjehom	5
Uvjeti za dobijanje Nagrade dekana	6
<b>POGLAVLJE IV. PRELAZNE I ZAVRŠNE ODREDBE</b>	<b>6</b>
Evidencija o dodijeljenim nagradama	6
Izmjene i dopune Pravilnika	6
Stupanje na snagu Pravilnika	6

Na osnovu člana 53. stav (2) tačka n) Zakona o visokom obrazovanju Zeničko-dobojskog kantona („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19) člana 19. stav 2. alineja 15. Zakona o javnoj ustanovi Univerzitet u Zenici – Prečišćeni tekst (“Službene novine Zeničko-dobojskog kantona”, broj: 1/18 i 10/18) i člana 63. stav (2) tačka ii) Statuta Univerziteta u Zenici (Prečišćen tekst), a na prijedlog Rektora Univerziteta u Zenici Senat Univerziteta u Zenici na svojoj 07/19 sjednici održanoj 30.09.2019. godine donosi

## **PRAVILNIK O NAGRADAMA ZA STUDENTE UNIVERZITETA U ZENICI**

### **POGLAVLJE I. UVODNE ODREDBE**

#### **Član 1.**

##### **(Predmet Pravilnika)**

Ovim Pravilnikom utvrđuju se nazivi i vrste nagrada koje se dodjeljuju studentima Univerziteta u Zenici (u dalnjem tekstu: Univerzitet), opći uvjeti i postupak za njihovo dodjeljivanje, kao i nadležni organi za dodjeljivanje nagrada.

#### **Član 2.**

##### **(Vrste nagrada)**

Za rad i doprinos afirmaciji Univerziteta u Zenici, studenti mogu dobiti slijedeće nagrade:

- 1) Nagrada rektora,
- 2) Nagrada dekana.

### **POGLAVLJE II. NAGRADA REKTORA**

#### **Član 3.**

##### **(Nagrada rektora)**

Nagrada rektora dodjeljuje se:

- 1) studentima s najboljim uspjehom,
- 2) studentima za najbolja naučna, istraživačka, stručna, umjetnička i sportska ostvarenja.

#### **Član 4.**

##### **(Sadržaj Nagrade rektora)**

- (1) Nagrada se sastoji od povelje i novčane naknade.
- (2) Povelja studentima izrađuje se na visokokvalitetnom papiru, dimenzija 21,0 x 29,7 cm, koje predstavlja unikatno autorsko djelo, a sadrži: naziv i znak Univerziteta, naziv, ime i prezime studenta, kratko obrazloženje, broj i datum izdavanja, potpis rektora, kao i pečat Univerziteta.
- (3) Visinu novčane naknade utvrđuje Upravni odbor Univerziteta u Zenici, na prijedlog Senata Univerziteta u Zenici.
- (4) Ukupan novčani iznos sredstava namijenjenih za Nagrade rektora obezbjeđuje se finansijskim planom za raspodjelu sredstava iz vlastitih prihoda Univerziteta.

### **ODJELJAK A. NAGRADA REKTORA ZA STUDENTE S NAJBOLJIM USPJEHOM**

#### **Član 5.**

##### **(Studenti s najboljim uspjehom)**

- (1) Nagrada rektora dodjeljuje se studentima Univerziteta s najboljim uspjehom svake akademske godine.

- (2) Nagradu rektora može dobiti najviše po jedan student I (prvog), II (drugog) i III (trećeg) ciklusa studija koji je odbranio završni diplomski, magistarski i doktorski rad u tekućoj akademskoj godini.
- (3) Fakulteti Univerziteta su dužni dostaviti rektoru svoje prijedloge kandidatâ za Nagradu rektora za studente s najboljim uspjehom, s odgovarajućim obrazloženjem, najkasnije do 01. oktobra tekuće godine.
- (4) Nagrade uručuje rektor na svečanosti povodom dana Univerziteta.

### **Član 6.**

#### **(Uvjeti za dobijanje Nagrade rektora)**

- (1) Uvjeti za dobijanje Nagrade rektora za studente s najboljim uspjehom su:
  - a) prosječna ocjena 9 ili više, ostvarena u toku I (prvog), II (drugog) ili III (trećeg) ciklusa studija,
  - b) da tokom tog I (prvog), II (drugog) ili III (trećeg) ciklusa studija nije ponavljao niti jednu godinu studija.
- (2) Pored uvjeta iz stava (1) ovog člana uzimaju se u obzir i drugi uvjeti koji mogu utjecati na izbor:
  - a) aktivnosti u nastavnom procesu (demonstrator),
  - b) učešće u naučnim, istraživačkim, stručnim, umjetničkim i sportskim aktivnostima,
  - c) rad u studentskim organizacijama,
  - d) uspjeh na takmičenjima,
  - e) učešće u međunarodnoj razmjeni studenata.
- (3) Ako uvjete iz stavova 1. i 2. ovog člana ispunjava više studenata, onda svi studenti dobijaju Nagradu rektora.
- (4) Odluku o dodjeljivanju Nagrade rektora donosi rektor na prijedlog Kolegija Rektorata.

### **Član 7.**

#### **(Objava Odluke o dodjeli Nagrade rektora za studente s najboljim uspjehom)**

Odluka o dodjeli Nagrade rektora za studente s najboljim uspjehom, s podacima o studentu i uspjehu, objavljuje se na oglasnim pločama organizacionih jedinica (fakulteta) Univerziteta u Zenici i na web-stranici Univerziteta u Zenici, najkasnije 15 dana prije njezine dodjele.

### **ODJELJAK B. NAGRADA REKTORA ZA NAJBOLJA NAUČNA, ISTRAŽIVAČKA, STRUČNA, UMJETNIČKA I SPORTSKA OSTVARENJA**

### **Član 8.**

#### **(Nagrada rektora za najbolje naučno, istraživačko, stručno, umjetničko i sportsko ostvarenje)**

Radi poticanja naučno-istraživačkog i umjetničkog rada dodjeljuje se Nagrada rektora za najbolje naučno i umjetničko ostvarenje, kojom se nagrađuje najbolji studentski uspjeh iz područja nauke, istraživanja, struke, umjetnosti i sporta.

### **Član 9.**

#### **(Pravo kandidiranja)**

- (1) Pravo kandidiranja za Nagradu rektora za najbolje naučno, istraživačko, stručno, umjetničko i sportsko ostvarenje imaju dekani fakulteta za studente I (prvog), II (drugog) i III (trećeg) ciklusa studija Univerziteta.
- (2) Fakulteti Univerziteta su dužni dostaviti rektoru svoje prijedloge kandidatâ za Nagradu rektora za najbolji studentski uspjeh iz područja nauke, istraživanja, struke, umjetnosti i sporta, s odgovarajućim obrazloženjem, najkasnije do 01. oktobra tekuće godine.

- (3) Nagrade uručuje rektor na svečanosti povodom dana Univerziteta.
- (4) Odluku o dodjeljivanju Nagrade rektora donosi rektor na prijedlog Kolegija Rektorata.

### **Član 10.**

#### **(Objava Odluke o dodjeli Nagrade rektora za najbolje naučno, istraživačko, stručno i umjetničko ostvarenje)**

Odluka o dodjeli Nagrade rektora za najbolje naučno, istraživačko, stručno, umjetničko i sportsko ostvarenje, s podacima o studentu i nagrađenom radu ili uspjehu, objavljuje se na oglašnim pločama organizacionih jedinica (fakulteta) Univerziteta u Zenici i na web-stranici Univerziteta u Zenici, najkasnije 15 dana prije dodjele.

## **POGLAVLJE III. NAGRADA DEKANA**

### **Član 11.**

#### **(Nagrada dekana)**

Nagrada dekana dodjeljuje se studentima s najboljim uspjehom.

### **Član 12.**

#### **(Sadržaj Nagrade dekana)**

- (1) Nagrada se sastoji od povelje i novčane naknade.
- (2) Povelja studentima izrađuje se na visokokvalitetnom papiru, dimenzija 21 x 29,7 cm,koje predstavlja unikatno autorsko djelo, a sadrži: naziv Univerziteta, naziv fakulteta, znak Univerziteta, znak fakulteta, ime i prezime studenta,kratko obrazloženje, broj i datum izdavanja, potpis dekana, kao i pečat fakulteta Univerziteta.
- (3) Visinu novčane naknade utvrđuje Upravni odbor Univerziteta u Zenici, na prijedlog Senata Univerziteta u Zenici.
- (4) Ukupan novčani iznos sredstava namijenjenih za Nagrade dekana obezbjeđuje se finansijskim planom za raspodjelu sredstava iz vlastitih prihoda organizacionih jedinica (fakulteta) Univerziteta.

### **Član 13.**

#### **(Studenti s najboljim uspjehom)**

- (1) Nagrada dekana za studente s najboljim uspjehom dodjeljuje se studentima svake akademske godine za prethodnu godinu studija.
- (2) Nagradu dekana dobijaju studenti s najboljim uspjehom sa I (prvog), II (drugog) i III (trećeg) ciklusa studija.
- (3) Nagrade uručuje dekan fakulteta na svečanosti povodom promoviranja studenata u stečena akademska zvanja.

### **Član 14.**

#### **(Uvjeti za dobijanje Nagrade dekana)**

- (1) Uvjet za dobijanje Nagrade dekana za studente s najboljim uspjehom je najmanjaprosječna ocjena 8 ili više, ostvarena u prethodnoj godini I (prvog), II (drugog) i III (trećeg) ciklusa studija studija.
- (2) Pored uvjeta iz stava 1. ovog člana student mora ispunjavati i dodatne uvjete:
  - a) da tokom studija nije ponavljao niti jednu godinu studija,
  - b) da je položio sve ispite iz prethodne godine studija,
  - c) da ima najbolji prosjek ocjena u toj godini studija.
- (3) Ako uvjete iz stavova 1. i 2. ovog člana ispunjava više studenata, onda svi studenti dobijaju Nagradu dekana.

(4) Konačnu odluku o dodjeli nagrade donosi dekan.

## **POGLAVLJE IV. PRELAZNE I ZAVRŠNE ODREDBE**

### **Član 15.**

#### **(Evidencija o dodijeljenim nagradama)**

- (1) Službe Rektorata Univerziteta obavezne su voditi posebnu evidenciju o dodijeljenim nagradama rektora Univerziteta.
- (2) Službe organizacionih jedinica (fakulteta) obavezne su voditi posebnu evidenciju o dodijeljenim nagradama dekana fakulteta Univerziteta.
- (3) Odluke o dodjeljivanju Nagrade rektora i Nagrade dekana objavljaju se na web stranici Univerziteta i fakulteta.

### **Član 16.**

#### **(Izmjene i dopune Pravilnika)**

Izmjene i dopune ovog Pravilnika vrše se na način i po postupku utvrđenom za njegovo donošenje.

### **Član 17.**

#### **(Stupanje na snagu Pravilnika)**

Ovaj Pravilnik stupa na snagu osmog dana od dana objavljivanja na oglasnoj tabli i web-stranici Univerziteta u Zenici, a s kojim prestaje da važi Pravilnik o nagradama za studente Univerziteta u Zenici, broj: 01-100-108-720-2307/09 od 30.09.2009. godine i broj: 01-108-702-2844/09 od 18.11.2009. godine.

Broj: 01-02-2-3419/19

PREDSJEDAVAJUĆI SENATA  
UNIVERZITETA U ZENICI

Zenica, 30.09.2019. godine

Prof.dr.sc. Ilhan Bušatlić